

兵部則例



兵部則例

清吏司

職制五

一單月衛守備選法康熙十一年題準。由守禦所千總。門千總。衛千總。較俸推升。每五闕。門衛千總用四人。守禦所千總用一人。○乾隆七年奏準。單月衛守備員闕。將衛所千總議叙。即升者用一人。門衛千總俸深應升者用一人。門衛千總捐升衛守備者用一人。衛所千總領運全完。加至都司銜奉



旨以衛用者用一人。再將此四項輪用一周。至八人後。將守禦所千總議叙。即升及俸深。應升并領運全完。加至都司銜奉。

旨以衛用者共為一班。相間輪用一人。○又議準。門千總食俸年久。由部行文步軍統領。出具考語送部引。

見分別營衛注冊。其奉

旨以衛守備用者。歸於單月應升班內。與衛千總一同較俸推升。不準計算京俸。○又議準。即升人員。按文到議叙。先後推升。如同日文到。照食俸

先後推升。應升人員。照食俸先後推升。捐升人員。照輸庫日期。先後推升。如同日輸庫。籤掣先後注冊。遇闕推升。大銜以衛用者。照引。

見奉

旨日期先後推升。如同日奉

旨。照食俸先後推升。○又議準。衛所千總。加至都司銜。具呈告降。以衛守備用者。照具呈注冊日期。於用九人之後。推升一人。俟告降注冊之人用完。即將此班停止。○十四年議準。衛所千總議叙。即升者。若遇應升班內。俸次已到。仍準其較

俸推升○十八年議準衛千總領運漕糧向係分別省分遠近議叙江南江西浙江湖廣等遠省一運全完加銜一等二運全完加銜二等三運全完歸入即升班內選用山東河南等近省一運全完紀錄二次二運全完加銜一等三運全完紀錄二次四運全完加銜二等五運全完紀錄二次六運全完歸入即升班選用今加銜既經刪除應將衛千總加銜改爲加級準其隨帶至於紀錄及歸入即升班內選用之處仍照向例行○又議準單月衛守備原設兩捐班今

此次江振捐納衛守備者歸入舊有捐班選用一雙月衛守備選法順治初年定由裁汰改推還職降補三甲武進士題準給劄等項挨次選用每三闕各項輪用一人武進士用二人○又定雙月衛守備員闕以裁汰改推爲一班還職降調爲一班武進士爲一班年滿咨送爲一班功加爲一班効勞爲一班投誠爲一班每八闕各項輪用一人武進士用二人○康熙四十八年題準見任千把總年滿千總中武進士應以衛用者於雙月別立一班選用○雍正十一年

議準難廕議叙以衛守備用者歸入給劄班內
選用効力武舉三年期滿以衛守備用者歸入
効勞班內選用○十二年議準藍翎侍衛奉
旨以衛守備用者歸入科班選用○乾隆元年奏準
見任營守備調取引

見奉

旨以衛守備用及籤掣營守備之武進士並効力人
員年滿千總引

見奉

旨以衛守備用者於雙月各班之末設改用班選用

見任調取者於改用班內先用○七年奏準雙
月衛守備員闕將開復降補捐還三項共爲一
班相間輪用一人簡選三等武進士及奉

旨歸入武進士班內以衛用之藍翎侍衛共用二人
難廕守備以衛用者用一人効力期滿以衛用
者用一人武進士充補提塘期滿以衛用者用
一人捐納衛守備用二人見任營守備調取引
見以衛用者及掣補營守備之武進士並効力人員
年滿千總引

見改用衛守備者共爲一班用一人○又奏準開復

降補人員各照奉

旨日期先後選用如同日奉

旨。公同掣籤注冊。挨次選用。捐還原職人員。照輸庫日期先後選用。如同日輸庫。亦公同掣籤注冊。挨次選用。武進士照簡選年月挨科分名次先後選用。藍翎侍衛由武進士出身者與武進士同較科分名次選用。由世爵出身者按其補授藍翎日期與見在投供武進士之科分年月日期相較選用。難廕守備。効勞人員各照引

見奉

旨以衛用日期先後選用如同日奉

旨。難廕人員。照題廕先後挨次選用。効勞人員。照期滿先後選用。如同日期滿。照科分名次選用。武進士充補提塘者。照期滿先後選用。如同日期滿。照科分名次選用。捐納人員。每班用新捐三人。後間用舊捐一人。其舊捐新捐各項均相間輪用。如同例捐者。照輸庫日期先後選用。如同日輸庫。公同掣籤注冊。挨次選用。見任營員奉旨以衛用者。於改班內先用。掣補營守備奉旨改用衛守備者各照奉

旨日期先後選用如同日奉

旨武進士按簡選年分科分名次先後効勞人員照
考職年月。年滿千總照註冊前後。倘有二三項
人員同日奉

旨掣定先後註冊挨次選用。○九年議準直振例捐
納衛守備者爲新捐。其前新捐班改爲舊新捐
每班用新捐三人。次用舊新捐一人。再次用舊
捐一人。○十一年議準新江例捐納衛守備者
於原設捐班之下增設二班選用。○十三年議
準川運例捐納衛守備者於新江班次之下增

設二班選用。○又議準東振例捐納衛守備者
於人文到部投供。照輸庫日期。各班用四人之
後選用一人。如投供無人。即將別班選用。俟續
有投供到部。即還班補用一人。餘仍於各班四
人之後相閒輪用。○十八年議準雙月衛守備
原設立六捐班。今此次江振捐納衛守備者歸
入新江川運兩捐班內即用。
一守禦所千總選法。順治初年定守禦所千總
員闕歸於雙月。由裁汰改推還職。降補。三科武
舉。外委題準給劄。効勞等項挨次選用。○康熙

五十三年議準。南漕効力領運全完。並無事故。應以守禦所千總用者。設委用班選用。○又議準。効勞期滿考授守禦所千總者。設効勞班選用。○雍正十二年奏準。豫籌糧運例捐納守禦所千總者。別立一班選用。○又議準。武舉充補提塘。應以守禦所千總用者。歸入効勞班內即用。○乾隆五年奏準。改武廕生廕以守禦所千總用者。歸入給劄班內選用。○七年奏準。守禦所千總員闕。將開復降調捐還三項。共爲一班。相間輪用一人。南漕効力領運全完。並無事故。

者用一人。改武廕生應以守禦所用者用一人。効力期滿考授守禦所者用一人。捐納守禦所者用二人。每班用新捐三人。後。閒用舊捐一人。豫籌糧運例捐納守禦所者用一人。○又奏準。開復降調人員。各照奉

旨。日期先後選用。如同日奉

旨。公同掣籤注冊。挨次選用。捐還原職人員。照輸庫日期先後選用。如同日輸庫。亦公同掣籤注冊。挨次選用。南漕効力人員。三運全完。咨部注冊。各照文到日期先後選用。如同日文到公同掣

籤注冊挨次選用。改武廕生照引

見奉

旨。日期先後選用。如同日奉

旨。照題廕改武日期先後挨次選用。効勞人員照期滿先後選用。如同日期滿。武舉照科分名次選用。不係武舉出身者。照考職年月簡選等第名次先後選用。捐納人員。舊捐新捐各項。均相間輪用。如同例捐者。照輸庫日期先後選用。如同日輸庫。公同掣籤注冊挨次選用。豫籌糧運事例。捐納人員。照輸庫日期先後選用。如同日輸

庫亦公同掣籤注冊挨次選用。○九年議準。直振例捐納守禦所千總者。為新捐。從前新捐者。改為舊新捐。每班用新捐三人。次用舊新捐一人。再次用舊捐一人。○十一年議準。新江例捐納守禦所千總者。歸原設捐班選用。○十三年議準。川運東振各例捐納守禦所千總者。均歸原設捐班選用。○十八年議準。守禦所千總。原設立三捐班。今此次江振捐納守禦所千總者。歸入舊有捐班選用。

一門千總選法。康熙四十一年覆準。門千總員

闕歸入雙月。將武舉選用。○雍正二年議準。門
千總員闕。停用漢人。內九門將滿洲武舉選用。
外七門將漢軍武舉選用。○又議準。漢軍武舉
及漢軍捐納千總者。門衛並選。武舉照簡選年
分選用。捐納照原捐班次選用。○十年議準。內
九門千總。照外七門千總之例。均用漢軍武舉。
其漢軍捐納千總者。準其一同選用。○乾隆七
年奏準。門千總員闕。將漢軍武舉用二人。次將
漢軍監生捐納千總者用一人。次將隨幫漢軍
武舉用二人。再將漢軍監生捐納千總者用一

人。武舉照簡選年月科分名次選用。監生照輸
庫日期先後選用。如同日輸庫。公同掣籤。注冊
挨次選用。隨幫照運滿日期選用。如同日運滿。
仍照簡選年月科分名次選用。○又議準。漢軍
世家子弟。交巡捕營以千總用者。準其改補門
千總。借用捐納二班。照無班可歸之例。遇二闕
選用一人。照奉

旨日期先後。如同日奉

旨。令其公同掣籤。挨次選用。如本班捐納之人。有到
部投供者。仍先盡本班選用。○十八年議準。門

千總原設立兩捐班。今此次江振捐納門千總者。歸入舊有捐班選用。

一衛千總選法。順治初年定。衛千總員闕。雙月由裁汰改推還職降補。一二科武舉外。委題準給劄等項。挨次選用。每五闕。各項輪用一人。武舉用四人。單月由犧牲所所副論俸推升。○又定。衛千總員闕。以裁汰改推為一班。還職降補為一班。武舉為一班。年滿咨送為一班。功加為一班。効勞為一班。投誠為一班。每十闕。各項輪用一人。武舉用四人。○康熙十一年議準。衛千

總員闕。均歸雙月選用。○雍正十一年議準。一二等武舉。各設一科班。三等武舉。設四科班。均照簡選年分挨科分名次選用。如一二三等武舉同年簡選。而一二等中有科分深於三等者。將三等之科班。借與一二等選用。○又議準。難廕應以衛千總用者。設一廕班。照題廕先後挨次選用。○又議準。一二三等守禦所隨幫。一二等武舉隨幫。三等武舉隨幫。一二三等漢軍武舉隨幫。各設一隨幫班。相間輪班選用。此三項內。一等與一等較。二等與二等較。三等與三等

較各照運滿日期選用。如日期相同，仍照簡選年分挨科分名次選用。○又議準：一二三等武舉隨幫內，有科分深者，設一深科班，各照科分名次選用。不必復較簡選年分。○又議準：一二三等世爵隨幫及二三等効勞者，共設一給劄班，相間輪班選用。此兩項內，一等與一等較，二等與二等較，三等與三等較。各照簡選年分選用。○又議準：捐納衛千總人員，設二班選用。每班用新捐三人，後間用舊捐一人。其舊捐新捐各項均相間輪班選用。如同例捐者，按輸庫日

期先後選用。如同日輸庫，令其公同掣籤註冊挨次選用。○十二年奏準：豫籌糧運例，捐納衛千總於二捐班之下，別設一班選用。此班之內，先用候補衛千總捐即用之人，如無即用之人，將改捐之人選用。○乾隆元年奏準：南漕効力人員，領重運三次全完，咨部註冊。按文到日期先後選用。如同日文到，令其公同掣籤挨次選用。○又奏準：一二三等武舉隨幫內，有簡選早而選期已屆者，於深科班下設一簡選班選用。如簡選年分相同，按等第名次選用。不必復較

科分名次○又奏準武舉隨幫。在途委領重運一次者。設代領重運班於十九班之後選用一人。照重運報滿日期先後選用。如日期相同。照簡選年分挨科分名次選用。○三年議準。南漕重運武舉科分最深者。按科分名次先後。入於代領重運班內。相間輪班選用。不必復較簡選年分。如科分名次相同。令其公同掣籤。注册挨次選用。○七年奏準。開復降補捐還三項。共為一班。相間輪用一人。開復降補者。照奉

旨。日期先後選用。捐還原職者。照輸庫日期先後選用。如同日奉

旨。同日輸庫。均令公同掣籤。注册挨次選用。○又奏準。衛千總員闕。以開復降補捐還三項。共為一班。相間輪用一人。簡選武舉一等科班用一人。二等科班用一人。三等科班用四人。南漕効力領重運者用一人。難廕用一人。一二三等守禦所隨幫用一人。一二等武舉隨幫用一人。三等隨幫用一人。一二三等漢軍武舉隨幫用一人。一二三等武舉科分深者用一人。一二三等武舉簡選早者用一人。一二三等世爵隨幫及二

三等効勞者相間輪用一人。捐納者用二人。豫
籌糧運例捐納者用一人。隨幫武舉委領重運
及南漕重運之科深者共爲一班相間輪用一
人。廕生應以衛千總用者於各班之末用一人。
○八年奉

旨。武舉內有隨幫効力年滿之人。應以衛千總用者。
其選用之法。按其從前簡選等第分班銓選。一等
人數無多。選期尚速。其二等有數十人。三等多至
二百餘人。每年選用不過三四人。甚爲壅滯。朕思
衛千總與營千總雖屬有閒。但武職皆尚技勇。亦

當及其強壯之時而用之。且此項武舉既係隨幫
年滿。非閒散武舉可比。若遲至二三十年之久。方
得錄用。未免精力就衰。難爲國家宣力。所當酌量
疏通。著該部詳議具奏。欽此。遵

旨。議準。衛千總班內設有二捐班。係選用從前捐納
之人。應將此二班借與三等隨幫選用。如本班
捐納有赴部投供者。仍盡本班先用。其豫籌糧
運例捐納衛千總已經用完。應將所有別設一
班。移於二班之上。選用二等隨幫。○又議準。代
領重運人員照檄委代領日期先後選用。如日

期相同。照簡選年分科分名次選用。○九年議
準直振例捐納衛千總爲新捐。從前新捐者改
爲舊新捐。每班用新捐三人。次用舊新捐一人。
再次用舊捐一人。至三等隨幫武舉。先因捐納
人少。遂以捐班借與選用。此次直振捐納之人。
既歸原設捐班選用。其三等武舉隨幫。應於三
等幫班之下。增設一班選用。○十年議準衛千
總班次內。設有廕班。係選用難廕。此項見在無
人。應將此班借與三等隨幫選用。如本班難廕
之人。有赴部投供者。仍先盡本班選用。○十一

年議準。新江例捐納衛千總。應於原設捐班之
下。增設江振新班。由武舉及候補候選捐納者
用二人。由監生捐納者用一人。○十三年議準。
川運例捐納衛千總。亦應增設一班。由武舉及
候補候選捐納者用二人。由監生並監生已捐
衛千總職銜捐納者用一人。○又議準。東振例
捐衛千總。由候補候選捐納衛千總者。人文到
部投供。照輸庫日期。於各班用七人之後。選用
一人。如投供無人。將別項之人選用。續有赴部
投供者。即還班補用一人。仍於各班用七人之

後再行輪班選用。其由監生捐納衛千總者，於東振候補候選者用二人，之後選用一人。○十年奏準。三等隨幫人數甚多。銓選壅滯。應將見在無人投供之恩廕班。照借難廕班例。以三等隨幫武舉選用。如恩廕人員有赴部投供者。仍先盡本班選用。○又議準。衛千總原設立八捐班。今此次江振捐納衛千總者。準其於各本班先用。

一甘肅衛所官選法。康熙五十三年議準。甘肅衛所守備千總。專用武舉武進士。本省之人照

例迴避。其雙月守備千總員闕。將科目出身者選用。如遇別項人員頂選。即將見在投供之科目出身者。挨次選用。不還班。先盡本班科目。即用。如本班無人。即將下班科目。單月守備員闕。如見任俸深頂升人員。非科目出身者。即將見任科目之人較俸挨次推升。亦不還班。先盡本班科目。推升。如本班無人。即將下班科目。較俸推升。○雍正六年議準。甘肅衛所守備千總。五年俸滿。照邊俸例。題報注册升用。

一拔補貴州衛千總。乾隆三年議準。貴州古州衛。台拱衛。清江左右衛。八寨衛。丹江衛。凱里衛。

黃平衛各千總員闕由該督於通省千把內簡選通曉文義熟悉苗情辦事勤慎者勿論武舉行伍出身一例調補拔補咨部彙題奉

旨後給劄任事五年俸滿果能實心辦理著有成效準以營守備題升

一拔補山東管河衛千總乾隆十五年議準山東管河衛千總員闕由該總河於所屬營千總把總內簡選諳練河工之人調補拔補六年俸滿送部引

見分別營衛注冊升用

一門衛所官升營闕順治初年定門衛所各千總食俸年深者每年於正七兩月遇營都司營守備員闕專以衛所千總及門千總推升餘月仍將營衛守備推升武選司於正七兩月將衛所門千總俸滿應升者在截闕之前開付職方司升用有裁汰停升等項後經補官開復者即付職方司升用移付之後如武選司有闕仍先盡武選司升用○乾隆七年議準每年正七兩月都司營守備員闕武選司於衛所門千總守禦所千總內奉

旨以營用者。按單月推升班次。於截闕之前。開付職方司升用。其三月五月九月十一月。將衛守備門衛千總開付職方司升用。內有裁汰停升等項。已經補官開復者。亦通行較俸一例。開付升用。○十九年奉

旨職方司銓選均歸武選司辦理。

一衛所官改營闕。康熙十年題準。衛所官有錢糧之責。若於未掣籤以前。以不識文義具呈者。準以營闕改用。掣籤以後。以不識文義具呈者。以原品休致。

一難廕衛千總改營闕。乾隆五年議準。貴州難廕衛千總。願赴部候補者。仍歸班推用外。如有告降以把總用者。由該督考驗。如果年力壯健。弓馬優嫻。遇把總員闕。與各項應用之人比較拔補。○八年議準。邊省難廕衛千總。有願告降以把總用者。準照貴州之例行。

一衛所調繁。雍正五年議準。山東之濟寧。江南之江淮。興武。蘇州。鎮江。大河。揚州。泗州。浙江之杭州。湖北之武昌。武昌左衛。湖南之岳州。均屬事務繁難。遇有守備員闕。由總漕於所屬守備

內簡選才具優長。並無事故者。題請調補。給咨赴部引。

見其所遺之闕。歸部銓選。○乾隆八年議準。江南之泗州。改爲簡闕。山東之德州。改爲繁闕。○又議準。調補繁衛守備。停其送部引。

見於議覆奉

旨後。即給劄赴任。○十年覆準。領運千總。有才具平常。不勝繁任者。總漕即於事簡千總內。簡選題請調補。○又議準。江淮衛之三。六。七。八。九。各幫。興武衛之頭。三。四。六。七。八。九。各幫。淮安衛之二。

四。兩幫。廬州衛大河衛之二。三。兩幫。揚州衛之頭幫。鎮海衛泗州衛之前後。兩幫。鳳陽衛之常州幫。均屬事務繁難。遇有千總員闕。總漕照調補繁衛守備之例。於事簡千總內。簡選題請調補。○十三年議準。杭州衛之頭二兩幫。溫州衛紹興衛之前後兩幫。事務繁難。遇有千總員闕。準照江淮等二十四幫之例。題請調補。○十五年議準。江南之鎮海鳳陽長淮。浙江之嘉興。均改爲繁闕。○又議準。揚州衛之三幫。安慶衛之頭幫。建陽衛之寧太幫。事務繁難。遇有千總員

闕。準其題請調補。○十八年議準。江淮衛六幫。興武衛頭幫九幫。鎮海衛後幫。均改為簡闕。台州衛前幫後幫。金衢所幫。均改為繁闕。

一衛所千總。分別營衛。雍正十一年議準。單月推升之衛所千總。並正七兩月應升都司之大銜千總。由部覈明。有食俸年久。及完糧議叙。即升應升者。開單行令。各該督撫詳加考驗。出具

考語咨部引

見。或以營闕用。或以衛闕用。恭候

欽定。注冊各歸班銓選。

一簡選武舉。康熙三十九年議準。漢軍漢人武舉。及各省世爵隨幫。於會試之年。赴部報明。足有百人之數。由部將領侍衛內大臣。大學士。八旗都統。職名。開列奏請。

欽點。會同考試。其馬步射堪用者。照例以衛所千總選用。不堪者革退。○又議準。簡選武舉考試。馬步射皆優者。列為一等。馬射優。步射平。步射優。馬射平者。列為二等。馬步射皆平者。列為三等。均注冊歸入各班內。以衛千總選用。如弓馬生疎者。列為四等。令回籍學習。俟下次簡選之時。

再行簡選。其弓馬不堪人衰老者。列爲五等。奏請革退。○又議準。各省同科武舉。同具呈簡選者。照直隸。江南。山東。山西。西安。甘肅。河南。浙江。江西。湖北。湖南。四川。福建。廣東。廣西。雲南。貴州。等省。先後之序入冊。

一簡發南漕効力。康熙五十一年議準。候選千總。由部簡選三四十人引。

見恭候

欽定發往南漕効力。如領押重運無誤。咨部注冊選用。○雍正二年議準。南漕領押重運効力需人。

總漕將需用之數具題。由部於已經簡選候選衛千總之漢軍漢人武舉。並候推守禦所千總內。令各取具同鄉京官印結。及該旗圖結存案。題請會同內大臣簡選引。

見照總漕題請之數。恭候

欽定發往効力。三運無誤。咨部注冊。以衛千總選用。一簡發隨幫。雍正二年議準。糧船回空。向設隨幫一人。若領押回空無誤。以衛千總選用。但此等隨幫。不過閑散之人。借此虛冒功名。應停其頂補。於簡選之武舉。及候選守禦所千總人員。

內有願頂補者在總漕衙門具呈遇有隨幫員
闕由總漕咨部給劄頂補三運無誤以衛千總
選用○乾隆七年奏準糧船回空需用隨幫人
員由總漕開明人數咨部由部於候推守禦所
千總并簡選以衛千總用之漢軍漢人武舉內
有情願隨幫者令其具呈取具同鄉京官印結
及該旗圖結存案照總漕咨請之數掣籤給照
分發漕標遇頂補隨幫時總漕咨部給劄三運
無誤咨部注冊以衛千總選用○十六年議準
隨幫武舉掣定幫次之後如有患病請假者委

官驗實取結咨部準其調理病痊日仍令頂補
原幫

一衛所官降補順治初年定衛守備降一級補
守禦所千總守禦所千總降一級補衛千總○
康熙三十三年議準門衛千總降一級補營千
總分發該員本籍附近省分與應行拔補之人
一同考驗拔補○雍正六年議準門千總皆係
漢軍若降補把總發與巡捕營考驗拔補至衛
所守備千總及効力武舉如係漢軍有降補把
總者皆照此例分發○乾隆元年議準南漕領

押重運人員及隨幫武舉遇有事故或降一級應以營千總用降二級應以把總用者均令赴部按所降之級發原籍附近省分與應行拔補之人一同考驗拔補降三級者無級可降即行革退

一衛所官開復擬升順治初年定衛所各官由戶工二部題準開復到部者覈對原叅分數將應準銷案各官照截闕例每月二十日內到者本月擬升若二十一日後到者扣於下月擬升其原疏內將錢糧已完銷案及未完各官一本

彙題到部者不候題覆將應準銷案各官亦準擬升○乾隆七年奏準錢糧已完應銷案各官及未完各官並為一本具題到部者仍候題覆奉

旨後將應銷案各官擬升

一衛所官開闕順治初年定衛所守備千總等官有病故者不必具題由該撫將該員病故日期咨部開闕門千總病故由該統領咨部開闕至因老病請休及告假等項事故咨文到部之日即行開闕入於半月彙題

國



三

